

洞真太上八道命籍經卷上

通元

解罪所用訣

八道命籍一名八間一名八達又名八解解經釋結謝罪延福妙經太素三元君受於自然之章封於太上靈都紫房之內金章玉華三百人侍衛典香東海小童四極真人西城王君封於峨嵋之山西室之中萬劫一傳有玄名帝簡紫字青官玉藏之人千年之內聽得三傳上學之子不得此文虛囿山林終不得道所謂八道者日月四時八節所行也日行赤道月行黃道黃赤二道陰陽之所常行至於立春春分月行青道出黃立夏夏至月行赤道出黃立秋秋分月行白道出黃立冬冬至月行黑道出黃此為八道也月行八道之日各有變化翺飛蠕動含炁之流草木飛沉隨緣感應改故易新輕者更重重者更輕善惡迴換炁象之運自然而然上學真人因變行化習吉除凶進吉黜惡申明棄闇入正治邪鍊偽成真厲惡登聖其法高妙茲道玄通故曰八達至極无窮矣

一道命籍立春清旦北望有紫綠白雲者是太上三元君三素飛雲也至存叩頭捧頰各九心禮四再拜密呪曰曾孫姓名今日幸遇三元出行願得長生侍給輪轂餘所言隨人意也其病乞差某厄乞度某災乞消某事乞果三見雲與白日昇仙不須復他存思千百所施為行此必有仙錄是故謂之八道命籍也二道命籍春分夜半子時東北望有玄青黃雲是太微天帝君三素雲也存禮密呪皆如上法
 三道命籍立夏清旦西北望有紫青黃雲者是太極上真君三元內宮真人三素雲也存禮密呪皆如上法
 四道命籍夏至清旦東南望有赤白青雲者是扶桑大帝君三素雲也存禮密呪皆如上法
 五道命籍立秋清旦正西望有白赤紫雲者是太素真人天皇白帝君三素雲也存禮密呪皆如上法
 六道命籍秋分清旦南望有素赤黃雲者是

南極上真人上皇赤帝君三素雲也存禮密呪皆如上法
 七道命籍立冬清旦西南望有綠紫青雲者是上清真人帝君皇祖三素雲也存禮密呪皆如上法
 八道命籍冬至清旦正東望有朱碧黃雲者是太霄玉妃太虛上真人三素雲也存禮密呪皆如上法
 右八道命籍之日日未至一二先沐浴燒香以待至日依時出望一食頃還室陰雨勿望非其日忽見此雲禮呪如上三倍勝於其日也
 凡先身前身前世今世罪結不除譟謝不的原恕賒遲功行難進魔試不知多致退落象老易至求昇難期一去長逝幽苦未央上學之子悟此驚心誓志仰慕感玄徹靈能得命籍的斷罪根解釋惡結滋長善源羣邪敢干成真必速諦念密修即有驗矣
 凡諸解罪必先管齊克用八道之日身心清嚴自非同志不得妄參大道聖真神仙男女

常會玄都長齋清集率心形以化億兆流行
業以濟蒼生蒼生未嘗整元應化不得整闕
應不整闕常有主應之方玉京之臺是常應
之所生未嘗无死死未嘗不生出生入死无
量无央天地无數國土无窮更生更死時刻
无休起滅相涉有无互成生稱其有死目其
无无不无有不有不无无常應常在存而
不滅智慧无窮上學之人相與歸赴赴之由
階入之由无思神錄悉習法登階名之為齋
齋者齋也洗心淨身身心相應內外咸同精
敬整夏始終彌篤无有參差不替无苟
无矜恬慢至道故號曰齋齋法甚多不可具
載聖真相傳口口相教諸經有儀略舉梗槩
斟酌修用存乎其人學而不齋徒勞无復如
薪无火如火无傳如昇天无雲梯如飛步无
星悉維自奮體豈能運心心遂必由齋齋靜
必謝過過不洗則福不來福不來則禍必至
禍至不能覆无緣成仙聖聖仙長齋精思積
久解謝衆愆斷凶納吉積福重德充入道
與神合同常樂无苦有志期此擺撥諸塵著

營清齋用三元法法以守一為主一以恬靜
為家家在人心宜和順順和之美人之所重
至於習此弘之最難良由前後罪鄣纏結邪
魔相干致招不易急應修齋三時六時大小
懺願的之勝都辭旨探此案次行之齋竟布
施救厄扶危密立陰功改心易行勤建陽德
不犯所知知過勿復犯犯之即又謝三謝之
後災消福至猶未如願精修勿息果願成道
乃可得休三犯之後不得復謝謝不被怒明
各慎之受法之前有諸災厄第一受法之後
有諸災厄第二出生以來有諸災厄第三右
三條災有多端厄有淺深不可具記大略標
舉禍類附之先世今世前身身雖有遠近
罪目是同還隨源解釋以功成德也出生富
貴道俗無修出處安隱言樂相從或仕官為
業或商販為資或田蠶為事或漁獵為常常
業雖俗不淫不盜不昏不亂不妄相干父不
哭子君不哭臣凡不哭弟師不哭貧老者无
病而終少者无患相奉送死接生弔凶慶吉
此為中平保之者希諸天著樂不復立功先

福既盡尚入凶徒是故賢明願生下世隨師
行道授受相成克獲神仙長生不死名為上
學業高手中中平可上乃得學上上學之方
非凡下所議矣
頻遭喪亡一
祖父師君傍親眷屬年尊早過非正災限
已身休服為厄則同罪由不孝逆戾尊上
自作勸他不知改悔解用金帛多買衆生
飲飼放之各得其所
連嬰疾病二
生來多病一差一家人已身同入第三條
罪由不仁傷損舍氣笑他疾厄况願令病
解用酒藥夜置於都路市朝之間窮乏之
處
内外公家三
雖非已過非橫相牽貴賤男女親疎流連
罪由不亦好開勒訟制拘飛沉龍繫生勿
解用紙筆朱墨刀子手中逢人賜與不須
說源
大小口舌四

道俗誹謗傳說言善辨誣無實空中虛生
罪由不受素薄親疏道說人惡負遠誣論
解用飲鮮羹臘鮭肴菜菜設之要路不須
看視

出入違賊五

公私注來住止山世山人侵迫掠奪毀傷
罪由不慈略奪一切侵奪人神肆欲利己
解用珍寶材竹瓦草土埽治讓治館改易
法物

學業不昇六

外習經史子集圖書內習真文方術要訣
備聞之求見不見之讀誦不通積年空過
罪由不貞穢濁心身師友乖儀嫌他才學
破易經文

解用膏油及薪炭炬燭手寫經圖勸助同
志

仕宦退落七

為君為臣為夫在位无能被廢或有中德
橫逆左遷歸里僻處守盡窮困

罪由不禮嬌位詐成驕慢三朝凌按四野
解用神帚掃其宮室送他合晨夕掃路勿使
人知

無子多女八

妻妾積年不經有子或有男則死有女則
生

罪由不順逆許尋上斷人血嗣通同姦淫
解用金銀珠玉投之流水祠无後親賢繼
絕世道德

傷胎失育九

妻妾有胎傷動墮落或生旬日或至少年
罪由不謹輕忽交會傷落他孕厭擄公私
解用香油金如意几席褥簾送諸治舍

男女媾妬十

夫妻君妾交接无度空相疑妬內外不和
罪由不貞素仇假通他爭華在已怨色在
人

解用五色之墨五練之繒施於行路不問
富貴

貴賤凌辱十一

帝王遭踐臣下過盜道俗違凶傷罵約略
罪由不幹捨善從惡翻覆男女穢污清淨
解用香鑪香金銅鐵器物密送山野助入
婚嫁勸人齊集

水火蟲鳥鬼衆災所侵害十二

居止出入山水道路所養反變之災
罪由不義形殘屠脍親君師尊內亂相賊
解用冠衣箱票刀匕投山水朝野路上

右六件准三品三萬三千三百三過行之

非意去失十三

經書珍寶錢米布帛臣下奴婢无故去失
罪由不嚴怠惰自遠不討他求竊人自益
解用膠漆銀鍍送治舍中

酣酗忘誤十四

談謔言語忘者失後傳訛俾誣
罪由不慎惚同為可誦習經戒忽略取過
解用明鏡雜皮送治舍中

居止偏僻十五

中國阻卷邊城或美山水險阻
罪由不審論佞自親已親損入舍宇

解用刀斧鋸鑿鉗釘旋布之行路
作福得禍十六

齊戒布施開誦傷犯違違過惡人鬼相加
罪由不解遠越三身假託神鬼卜夢妄占
解用金龍玉魚令形纏簡投之山水

行善致惡十七

吉意白彼彼以凶疑所勸成怨所以為解
咄請急責結恨空深罪由不智以惡為點
誣謗師道強名求舉解用然燈十百千萬
法數日數隨堪行之

應成及敗十八

道世所營造立建創公私計業推理必成
為人鬼所壞
罪由不明動止閹滯自作苟為毀他成事
解用奴婢車馬牛船燈墓主成益治中

右六件准三品七萬七千七百七過行之
已得又失十九

道世所求公私所作出入所見已得分明
俄頃或經時遂不覺走所
罪由不清濫受諸物誘匿去私施惠違咎

解用身所服玩布施行途逢人即與勿問
有元

為人所嫉二十

有才德得位得財人物所附而有嫉憎
罪由不平阿黨任意好勝干求抑絕賢明
解用覆板林帳供諸有通誠與不誠過之
財與

為人所疑二十一

道德名位日進日新或藏明晦遠或實已
守中人橫疑猜忌
罪由不忠欺罔幽顯萬端頂背誤欺良善
解用淨甕與盥拂沐浴具送治中

為鬼所著二十二

忽見鬼來男女和合或罵罵穢不自覺
知
罪由不信噴噴詐偽佞祀亂真驚恐百姓
解用挑棄符板刺治淨潔潔潔真未送治

為邪所通二十三

平常忽異或因疾苦所見驚憂所解求真

發作元復邪弊日增罪由不正治道管俗
男女混雜迷亂天人解用經臺堂堂牀帳
執案中懼厨箱送治中

被試不度二十四

師友魔王公私非意所未嘗經是所宜素
今皆善之並動心試罪由不專習學延繼
望速厭速泄露實說解用捨身給師驅使
次造治館射執香燈神洞盡其心力教化
立於後生

右六件准三品三萬三千三百三過行之

凡有四六件合二十四事三八在乎其中包
羅眾條大小疑似是非紛紜思議附此注正
分明依源齋謝解而釋之所輪所散洗竭至
誠无悔无吝大福即臻非用金帛當運心形
計力量工算日准直能輸不計皆得由人人
不堪者或有貧富制以取中要在无惜惜即
又首三首无原也

東海青童君告方諸真人曰子之應感行化
羣生凡有志向宜須獎成傳付此訣密重丁
寧前代已過今不具陳即日自改准此為科

齋謝之後小災即消大災未釋當急避之避之所往依崇渾儀仰觀俯察精密勿宣且如天文說大災必除除災招福先由此經此經要法內外所珍衆聖所貴流芳无窮矣

二王君至秘此魏華存受旨行之有驗後傳獨立又隱此文修之者寡成真者疎玄名圖錄必得之耳

上為國師中為民間師下學修身末為人師此為三品也

洞真太上八道命籍經卷上

洞真太上八道命籍經卷下

專

太上大道炁周十方人之動靜在八而已四面四維絳上屬下下方上方攝統乎八卦正神施行八炁太一為主三元流通流通人間間中有路路通善人有玉簡者習向道選

出乎八門導達遊宴適乎十方十方聖衆皆

從八門得出八道命籍悉載衆聖所行行化

濟善日陽月陰陰德隱通通神妙訣聖真所

秘齋禁彌嚴未能解罪不得見聞聞見不解

解亦不行行亦不驗徒勞增愆若有至誠精

思玄感必能解罪必見此經必曉此事必獲

重福邊修即驗克成真矣的謝齋法法身獨

修若有同志二人三人乃至九人不得過也

脫善緣運會偶多賢明九人之外別更結齋

慎勿彊共干忤九天求福得禍明各慎之

凡師友疾厄不堪躬齋同學志人可得相為

獨及有侶亦極九人法師知講監齋侍經侍者侍燈執簡如法

的行八道四時六事八節五行二十四氣信

德土功周遍內外是故无復四季之齋也

凡相為的齋悉不得受職主人所用精案四

科

的謝齋竟四科所輪然而施行勿使他覺有相問者方便答之偶有布施或云奉上彼苦不受勿彊致猜更復與他他會受者不須語人道彼受不受也

的謝齋法通用三元日數則異春九夏三秋

七冬五日夜行道六時三時朝朝中乾菜果

實隨人未至數日掃灑內外整理法物逆辨

精新不得臨時率爾充限禁隔唯嚴不得置

雜營齋之身不得出外外勿還還則別住

慎勿冒前誤至齋所外來信使住門傳言內人

譯語先水吩嗽去又嗽之不得忽略施安壇壇

堂房牀帳几案香具薦席井幃步障幔淨

潔潔完厨帳井竈浴室及團厠皆當燒諸名

香勿令臭炁發泄穢人住處各立團厠坐卧

解脫不得相涉高卑混同俱被災考防禍求

福明加慎之齋集之夕或食或不食漿藥各

異沐浴當同雖久長齋亦宜沐浴消息治辭

人定啓告清嚴入室依常朝儀至大懺讀文

有侶者唱稱名位法師叩齒三十六通長跪